

KATTULLUTA INUUNERITTA – SAMMEN OM DET GODE LIV

Paarisap, Brugsenip, Pilersuisup aamma Pisiffiup peqatigiilluni suleqatigiinnerat

UKIUMOORTUMIK
NALUNAARUSIAQ 2022



Pilersuisoq
KNI-p ilagaa

PISIFFIK

Brugseni

A young child with dark hair is holding a yellow banana up to their face, partially obscuring it. The child is wearing a grey and yellow striped shirt. The background is a blurred grocery store aisle with shelves of various fruits and vegetables.

Kolofoni:

Kattulluta inuuneritta
– Sammen om det gode liv
Ukiuumoortumik nalunaarusiaq 2022

Copyright: Paarisa
Februaari 2023

Assit:

Saqqaa tunualu:

Carlo Lukassen - Tarrat Pictures

KNB Marketing 2-3, 5, 14, 19, 24

KNI Marketing 4-5, 6-7, 13, 16-17, 22,
23, 27, 30, 31

Pisiffik Marketing 15, 25, 35

Paarisa / Assiliisoq:

Christian Sølbeck 8-9, 21, 26

Assiliartai, ilusilersuineq: irisager.gl

A young child with dark hair is holding a yellow banana up to their face, partially covering their mouth. The child is wearing a grey and yellow striped jacket. The background is a grocery store aisle with shelves of produce, including many yellow lemons or oranges, which are slightly out of focus.

IMARISAI

KATTULLUTA INUUNERITTA 4

PEQATIGIILLUNI
SULEQATIGIINNEQ PILLUGU 7

PEQQISSUSERPUT 8

TAAMAAMMAT SULEQATIGIIPPUGUT 12

PEQATIGIILLUNI SULEQATIGIINNERMI
SULIARINEQARTUT 16

INERNERIT 27

PAARNANIK NAATITANILLU
QERISUNIK 2022-MI TUNISINEQ 28

TOP 15-IT
- NIOQQUTISSAT TUNISAANERPAAT 30

ATUISUNIK MISISSUINEQ 32

2023-MUT ANGUNIAGASSAT 36



KATTULLUTA INUUNERITTA

Inuunerinneq inuunermi oqimaaqatigiissitsilernermik kiisalu imminut allanullu iluarisimaarnermut tunngassuteqarpoq.

Nerisagut imikkagut kiisalu pitsaasumik nerisaqarnissamik ataatsimoorfeqarnerput peqqinnissatsinnut atugarissaarnitsinnullu pingaarutilerujussuupput.

Innuttaasut peqqissusaannik siuarsaanissamik kinaluunniit kisimiilluni kivitsiniarsarisinnaanngilaq. Inuiaqatigiinni kikkunnit tamanit peqataaffigineqartumik iliuuseqartoqartariaqarpoq.

Atuisut peqataatillugit peqqinnerulernissamut atugarissaarnerulernissamullu peqqinnartumik ineriartorneq ikorfartorniartarlugu Kattulluta inuuneritta – Sammen om det gode liv pillugu peqatigiilluni suleqatigiinnermut Paarisa, Brugeseni, Pilersuisoq Pisiffillu kattussimapput.

Peqatigiilluni suleqatigiinneq 2020-2030 ingerlassaaq Naalagaaffiillu Peqatigiit nunarsuarmi anguniagaat, pingaartumik anguniagaq 3: Peqqissuseq Atugarissaarnerlu, aamma anguniagaq 17: Suleqatigiinnikkut Anguniagaqarneq, aallaavigineqarlutik.

Suliniutit aallartitagut ilumut iluaqutaanissaat qulakkeerniarlugu uuttortartassavagut. Ukiut tamaasa taamaammat innuttaasut peqqissusaannik inuunerannillu siursaaqataasunik anguniakkanik aalajangersimasunik uuttortarneqarsinnaasunillu toqqaasassaagut.

Misilittakkagut siammartertassavagut unalu ukiumoortumik nalunaaarsuaq siulleq 2022-mi suleqatigiinnermi sammisanik angusanillu pingaarnernik nassuiaataavoq.



3 PEQINNISSAQ
ATUGARISSAARNERLU



17 NUNARSUARMITAMARMI
PEQATIGINNERIT





PEQATIGIILLUNI SULEQATIGIINNEQ PILLUGU

PEQATIGIILLUNI SULEQATIGIINNER- MUT TAKORLUUGAQ

Siunissaq peqqinnerusoq atugarissaarfiu-
nerusorlu, pingaartumik kinguaariinnut
maanna peroriartortunut

PEQATIGIILLUNI SULEQATIGIINNITSINNI:

- ⦿ Peqqinnartumik ileqqoqarnissaq pil-
lugu ilisimasanik isumassarsiorfissanil-
lu innuttaasunut siammarterineq
- ⦿ Toqqagassaq peqqinnartooq oqinneru-
sumik pissusissamisoortumillu toqqa-
gassanngortinnissaa Nerisaqarnermul-
lu innersuussutinik qulinik atuisut
amerlinissaat

- ⦿ Peqqinnartumik nerisaqarnerup
naleqquttumillu imigassartortarnerup
siuarsarneqarnissaa

PEQATIGIILLUNI SULEQATIGIINNER- MI TAMAKKIISUMIK ANGUNIAGAQ

Nioqqutissani toqqagassani inuussutissat
peqqinnartut nioqqutigineqartut amerla-
nerpaanngornissaat

2022-MUT ANGUNIAKKAT

Paarnanik naatitanillu qerisunik
tuniniaanerup siuarsarnissaa

*2020-2030-mi suleqatigiinnissamik
isumaqatigiissutinit*



PEQQISSUSERPUT

Peqqinnissatsinnut atugarissaarnissatsinnullu aalajangiisumik isumaqartut takusassiami takutinneqarput. Inuiaqatigiit inuuffigisarput aamma inuit kalaallillu pillugit ilisimatuussutsikkut allagaatit kiisalu Issittumi tamarmi peqqissuseq pillugit ilisimasat tungavigalugit suliarineqarsimavoq. Innuttaasut Peqqissusiannik Ilisimatusarfimmi takusassiaq inerisarneqarsimavoq.

Inooriaaserput, suaassuserput inuunitsinnilu atugassarititaasut - takusassiap talerpiata tungaani pullartaaniittut - peqqinnissatsinnut pingaaruteqarput. Amerlanersaasugut tamanna nalunngilarput. Takusassiap aamma takutippaa inuulluataarneq inuunerullu pitsaassusaa inuit ataasiakkaat inuunermik ataqatigiissitsinermik misigisaannit qanorlu isumaqartitsinerannit aallaaveqartut. Tamanna ilaatigut ilaqutariinnut attaveqaatinullu, ataatsimoornermut, najukkami naleqartitanut nukittoqutinullu, ilitsoqqussaralugu nerisatsinnut Kalaaliminernut pinggortitamullu tungassuteqarpoq.

Timi, tarneq aamma anersaaq takusassiami tamarmiusumi ammalortunik ataqatigiissitsipput. Peqqissuseq, atugarissaarneq inuulluataarnerlu peqqinnitsinnut pingaarutilinni oqimaaqatigiissitsinermut tungassuteqarput.

NERERIAASITTA INERIARTORNERA

Nerisagut imikkagullu kiisalu pitsaasumik nerisaqarnissamik ataatsimoorfeqarnerput peqqinnissatsinnut atugarissaarnitsinnullu pingaarutilerujussuupput.

Nerisaqarnermut innersuussutit qulit Kalaallit Nunaata nerisanut aalanermullu pisor-tatigoortumik innersuussutigai. Nerisaqarnermut innersuussutit qulit malikkukkit allan- gorartumik oqimaaqatigiissumillu peqqinnartumik nerisaqalissaatit. Nerisat peqqin- narlutillu allanngorartut qaarsillarnartunik, soorlu naatitanik, iffiugassanik aserorter- neqanngitsunik aalisakkanillu akoqarnerusarput qaarsillarnanngitsunillu soorlu iffiag- qaortunik, sodavandinik tungusunitsunillu akoqannginnerullutik.

Nereriaasitta ineriartornerata malitsigisaanik avataanit tikisitanik nalinginnaasumik nerisaqalerpugut najukkami inuussutissanik nerisakinnerulerluta. Nerisassat tikisinne- qartut ilarujussui tassaapput mamakujuit, kaagit, sukut inuussutissallu sukkoqartoru- jussuit kiisalu neqit naammatsissimasunik orsoqarluartut. Nerisat sukkoqarluarlutillu naammatsissimasunik orsoqarluarpata oqimaappallaalernissamut inooriaatsimullu attuumassutilinnik nappaateqalernissamut qaninnerulersitsisarput.

2018-imi innuttaasut peqqissusaannik misissuisitsineq naapertorlugu innuttaasut iner- simasut affaat sinnerlugit oqimaappallaarput siornatigorniillu amerlanerusut sukko- nermik uummatimmilu taqqani nappaateqalersarlutik.

Innuttaasut peqqissusaannik misissuinerup inersimasut Nerisaqarnermut innersuussu- tinik qulinik malinnittut amerlassusaat piffissallu ingerlanerani ineriartornera takutip- paa. Nerisanut uuttuutit tallimat aallaavigalugit uuttortaasoqarpoq.

Inuussutissat timigissarnerlu pillugu siunnersuisoqatigiit innersuussutaat	Uuttuutaasinnaasoq	2005-2010	2018	Nassuiaatitaa
Ullut tamaasa paarnanik naatitanillu allanik nerisarit	Ullut tamaasa paarnanik naatitartorneq	37,2%	38,8%	Allanngunnilaq
Ullut tamaasa paarnanik naatitanillu allanik nerisarit	Ullut tamaasa naatitartorneq	23,9%	29,6%	Annertusivoq
Kalaaliminertortarit; aalisagartukulagit	Sap. ak. minnerpaamik ataasiarluni aalisagartorneq	56,0%	42,8%	Apparpoq
Imermik imertarit – safti sodavandilu annikinnerusumik	Ullut tamaasa saftitunngik- kaanni sodavanditorneq	24,4%	43,9%	Qaffappoq
Kalaaliminertortarit; aalisagartukulagit	Sap. ak. ataasiarluni pingaso- riarluniluunniit immami miluu- masut neqaannik nerisaqarneq	35,9%	33,3%	Allanngunnilaq

Tigusiffik: Larsen CVL et al. Kalaallit Nunaannit innuttaasut peqqissusaannik misissuisitsineq 2018.

Kattulluta inuuneritta pillugu peqatigiilluni suleqatigiinnermi siunertarineqarpoq inuit amerlanerusut Nerisaqarnermut innersuussutininik qulinik malinnilersinneqarnissaat siunissamilu amerlanerusut ullormut naatitartorlutillu paarnartortalernissaat, sapaatip akunneranik minnerpaamik ataasiarlutik aalisagartortalernissaat sukkuinnillu soorlu saftinik sodavandinillu imernatik imertortalernissaat.

Nerisagarnermut innersuussutit qulit

NERISAGARNERMUT TIMIGISSARNERMULLU
SIUNNERSUISOQATIGIIT



Allanngorartunik nerisarit;
Innersuussut siulleq pingaarnarpaarlut.



Halaallit nerisassaataannik nerisarit;
akulikitsumik aalisakkanik aalisakkanillu
gallersuusianik

Ukiup ingerlaarnera malittariuk aamma immami nunamilu uumasut
paarlakaajaartakkat. Nunattapaarnai naatitaalu atortakkat.
Ullup qeqqasiornermi aamma aalisakkanit gallersuusiat atortakkat.



Ullut tamaasa naatitartorit paarnatorlutillu

Suliartuleraangavit imaluunniit atuariartuleraangavit paarnamik
naatitamilluunniit nassartarit. Kissartumik nerinermi tamatigit
naatitanik akoqartinnissaat ileqqunngortiguk.
Paarnat naatitallu qerisut nutaatulli pitsaatigipput.



Ullaakkorsioruit ullup qeqqasioruillu
iffiartorit akoqarluartunik fuldeornilinnik

Iffiat iffiiukkanit qaortunit qaarsillarnarnerupput.
Knækbrødit seqummarluttunit sanaat aamma pitsaasuupput.
Qaorteqqasut, pastat naatsiiallu kissartunik nerinermi
paarlakaajaartakkat.



Eggarsarluarlutit orsutortarit

Orsoq sipaaruk: Iffiukkap taninnerani tarngut kilior
Immuk, immussuaq, neqit gallersuutissallu annikitsumik orsullit
toqqartakkat. Iganermi naasunit margarina imaluunniit naasunit olia
atortakkat.



Sukkunik, mamakujuttunik, chipsinik
kaaginillu annikinnerusumik nerisarit

Sukkoqangitsumik imaluunniit annikinnerusumik sukkulimmik
kaffisortarit tiitortarillu. Paarnat iffiiukkallu mamakujuttunit, chipsinik
kaaginillu qaarsillarnarnerupput. Sapaatip akunneranut ulloq
ataasiinnaq chipsitortarit mamakujuttutortarillu.

Imermik imertarit – annikinnerusumik
saftimik sodavandinillu imertarit

Imeq kuummeersaq imerlu nillarissoq imertaruk. Saftit sodavandillu
annertuumik sukkumik akoqarput taamaattumillu piffinni
aalajangersimasuni akuttusuunik atornissaat innersuussutigineqarput.

Akulikitsumik nerisarit, ingasaannaguli

Ullormut pingasoriarlutit nerisarfinni pingaarnerni nerisarit.
Ullaakkorsiorneq ullormut aallarniutigalugu pitsassuuvoq.
Aamma ullup ingerlanerani annikitsukkaarlugit nerisarit, paarnaq
imaluunniit naatitaq, knækbrød imaluunniit aalisakkat panertut.

Ullormut minnerpaamik
nal. ak. ataaseq aalasarit

Aalaneq tassaasinnaavoq pisulluni/sikkilerluni suliartorneq,
piniariarneq, eqqiaaneq, timersorneq, arsarujorneq allarpasuillu.



Allanngorartunik
Innersuussut siulleq pingaarnarpaarlut.



Halaallit nerisassaataannik nerisarit;
akulikitsumik aalisakkanik aalisakkanillu
gallersuusianik

Ukiup ingerlaarnera malittariuk aamma immami nunamilu uumasut
paarlakaajaartakkat. Nunattapaarnai naatitaalu atortakkat.
Ullup qeqqasiornermi aamma aalisakkanit gallersuusiat atortakkat.



Ullut tamaasa naatitartorit paarnatorlutillu

Suliartuleraangavit imaluunniit atuariartuleraangavit paarnamik
naatitamilluunniit nassartarit. Kissartumik nerinermi tamatigit
naatitanik akoqartinnissaat ileqqunngortiguk.
Paarnat naatitallu qerisut nutaatulli pitsaatigipput.



Ullaakkorsioruit ullup qeqqasioruillu
iffiartorit akoqarluartunik fuldeornilinnik

Iffiat iffiiukkanit qaortunit qaarsillarnarnerupput.
Knækbrødit seqummarluttunit sanaat aamma pitsaasuupput.
Qaorteqqasut, pastat naatsiiallu kissartunik nerinermi
paarlakaajaartakkat.



Eggarsarluarlutit orsutortarit

Orsoq sipaaruk: Iffiukkap taninnerani tarngut kilior
Immuk, immussuaq, neqit gallersuutissallu annikitsumik orsullit
toqqartakkat. Iganermi naasunit margarina imaluunniit naasunit olia
atortakkat.



Sukkunik, mamakujuttunik, chipsinik
kaaginillu annikinnerusumik nerisarit

Sukkoqangitsumik imaluunniit annikinnerusumik sukkulimmik
kaffisortarit tiitortarillu. Paarnat iffiiukkallu mamakujuttunit, chipsinik
kaaginillu qaarsillarnarnerupput. Sapaatip akunneranut ulloq
ataasiinnaq chipsitortarit mamakujuttutortarillu.



Imermik imertarit – annikinnerusumik
saftimik sodavandinillu imertarit

Imeq kuummeersaq imerlu nillarissoq imertaruk. Saftit sodavandillu
annertuumik sukkumik akoqarput taamaattumillu piffinni
aalajangersimasuni akuttusuunik atornissaat innersuussutigineqarput.



Akulikitsumik nerisarit, ingasaannaguli

Ullormut pingasoriarlutit nerisarfinni pingaarnerni nerisarit.
Ullaakkorsiorneq ullormut aallarniutigalugu pitsassuuvoq.
Aamma ullup ingerlanerani annikitsukkaarlugit nerisarit, paarnaq
imaluunniit naatitaq, knækbrød imaluunniit aalisakkat panertut.



Ullormut minnerpaamik
nal. ak. ataaseq aalasarit

Aalaneq tassaasinnaavoq pisulluni/sikkilerluni suliartorneq,
piniariarneq, eqqiaaneq, timersorneq, arsarujorneq allarpasuillu.




Suut nerinerlugit eggarsaatigisaruk

Nerinerlugit ileqqorisatit niuernermi aallartitparput.
Peqqinnartunik pisisarit. Meeqqatit peqatigalugit igasarit.
Ullormut nerineq ilaqutariinni katersuuffingortiguk.

PEQQATIGIIT

mik nerisarit
ingaarnerpaarlu.



unnik nerisarit;
ik aalisakkanillu
ik

mmami nunamilu uumasut
aatitaalu atortakkkit.
qallersuusiat atortakkkit.

arnatorlutillu

aaangavit paarnamik
erinermi tamatigut
gortiguk.
aatigipput.

ioruillu
rnilinnik

rupput.
aaasuupput.
erinermi

taruk.
< orsullit
sunit olia

mik
ipsinit
q



MATTAK

TAAMAAMMAT SULEQATIGIIPPUGUT


Niuertarfiit ulluinnarni imminnut unammilleraluartut taamaattoq Kattulluta inuunerit-
ta pillugu peqatigiilluni suleqatigiinnermi inuunerissaarnerup siuarsarnissaanik anguni-
agaqarnissamik ataatsimoorlutik suleqatigiinnissaq isumaqatigiissutigisimavaat.

Apeqqutit tulliuttut aallaavigalugit periarfissanik eqqarsarnissaq peqatigiilluni suleqa-
tigiinnermi suleqatigiissutigaarput:

**QANOQ
PISOQARTIKKUSUPPARPUT?**

**SUUT PILERSINNISSAAT
SULEQATIGIISU-
TIGISINNAVAGUT?**


**SUUT AALLARTINNISSAAT
ISUMAQARPAT?**



Innuttaasut peqqinnerulersinnissaat
suliassarujussuuvoq, kisianni iluatsissavarput
- isumaqarpungalu siammasissumik suleqatigiinnikkut
tamanna aatsaat angusinnaagipput. Nunatsinni
inuuneqqortussuseq agguaqatigiissillugu ukiunik qulinik
assersuutigalugu Savalimmiunit naanneruvoq, inooriaaserlu
pissutigalugu nappaatit aatsaat taamak amerlatigalutik.

Paarisap suliniuteqarneratigut tamakkiisumillu suliaata iluani
ataatsimoorfimmik pilersitsisoqarsimavoq, peqqinnissaq pillugu
suliniutitsinni suleqatigiissutigineqarsinnaasut pillugit naapinnissamut
misissuinissamullu nunatsinni niuertarfiit naapeqatigiiffigisinnaasaannik.
Tamanna isumaqarpunga nalitoorujussuusoq. Tamatta nammineerluta
assigiinngitsunik peqqinneq pillugu suliaqaraluarluta illoqarfinnilu
aralinni unammilleqatigiikkaluarluta peqqinneq pillugu
niuertarfeqarfiit suleqatigiinnerat pisariaqarlunilu
nalitunera tamatta isumaqatigiissutigaarput.

Anders Stenbakken,
KNI-mi Ussassarinermut pisortaq



Paarisamik niuertarfinnillu
allanik suleqateqarnikkut kisimiilluta
angusinnaasatsinnit annertunerujussuarmik
angusaqarsinnaagatta upperaarpot.
Ataatsimoorluni sassarnej tamanna
Pisiffimmi kissaatigisatsitut pitsaasumik
ilumut allannguinnissamut tunngaviliivoq.
Peqqinnerusumik siunissaqarneq taamalu
atugarissaarneq inuiaqatigiinni inuunermik
qularnanngitsumik pitsaanerulersitsissaaq.

Tina Hansen,
Pisiffimmi Ussassaarinermut pisortaq

Nuna tamakkerlugu
innuttaasut peqqissusaannik
siuarsaanissamut Brugseni akisussaaqataavoq
innuttaasut tusintit arlaqartut pisiniarfitsinni
ulluinnarni niuerniartarmata. Pisiassat pisisartutta
kissaatigisaat tamarmik neqeroorutigigaluarlutigit
peqqinnartumik toqqaasinnaanissap siuarsarnissaanut
sunniuteqarpugut.

Ilutigitillugu nassuerutigissavarput kisimiilluta innuttaasut
peqqissusaannut aalajangiisuusinnaanginnatta. Peqatigiilluni
suleqatigiinneq taamaammatt taamatut ittoq nuna tamakkerlugu
inuit peqqissusaasa ilorraap tungaanut ingerlatinniarnissaa
pillugu allanngueqataanissamik sunniuteqarnerunissamillu
kissaateqarnitsinnut aalajangiisuulluinnarpoq. Tamatuma
saniatigit aalajangersimasunik sakkussaqalerpugut
anguniagassaqalerlutalu ukkatarisinnaasatsinnik.
Suliffeqarfimmut Brugsenitut ittumut Kalaallit
Nunaanni inuiaqatigiinni ilaalluinnartumut
niuernitsinni piujuartitsisumik
periuseqarnerulernissamik kissaateqarnitsinni
suliassaqarfimmi matumani illuatungeriit akornanni
suleqatigiinneq pingaaruteqarpoq.

Benny Reffeldt otte,
Brugsenimi Sulisoqarnermut,
Attaveqaaqatigiinnermut Ussasaarinernullu
pisortaq



PEQATIGIILLUNI SULEQATIGIINNERMI SULIARINEQARTUT

JANUAARI 2020:
Piffissami 2020-
2030 suleqati-
giinnissamik
isumaqatigiissutit
atsiorneqarput

JUUNI 2021:
Suleqatigiinnermut
isumaqatigiissum-
mut ilassutissaq
peqatigiilluni
suleqatigiinnermik
nassuiaasoq
akuerineqarpoq

NOVEMBARI 2021:
Ataatsimut ilisarnaat aam-
ma peqatigiilluni suleqati-
giinneq pillugu tusagassi-
orneq suleqatigiinnerlu
pillugu allaaserisaq Paa-
risap Sermitsiami AG-milu
paasissutissiilluni aviisiani
ilanngunneqarpoq.

MARSI 2022:
Killiffik pillugu
ataatsimiinneq

AGGUSTI 2020: Paarisa
niuertarfillu Kattulluta
inuuneritta – Sammen
om det gode liv pillugu
suleqatigiilerput

OKTOBARI 2021:
takorluukkanik
anguniagassanillu
aalajangiiffiusumik
peqatigiilluni sule-
qatigiit ulloq naal-
lugu ataatsimiipput

MARSI 2022:
Kvartalimi siuller-
mi killiffik pillugu
ataatsimiinneq
kisitsisinillu
nalunaaruteqarneq



MAAJI 2022:
Kvartalit aappaani killiffik pillugu ataatsimiinneq kisitsisinillu nalunaaruteqarneq

JUULI 2022:
2023-mi anguniagassanik aalajangersaalluni peqatigiilluni suleqatigiinnermi ulloq naallugu ataatsimiinneq

OKTOBARI 2022:
Kvartalit pingajuanni killiffik pillugu ataatsimiinneq kisitsisinillu nalunaaruteqarneq

APRIILI 2022:
Peqatigiilluni suleqatigiinnermik atulersitsineq

JUUNI 2022:
Atuisunik misissuineq

AGGUSTI 2022:
2023-mut ataatsimoorluni paasititsiniaanissamik inerisaaneq aallartinneqarpoq


NOVEMBARI 2022:
Peqatigiilluni suleqatigiinneq pillugu allaaserisaq Paa-risap Sermitsiami AG-milu paasutissiilluni aviisiani ilanngunneqarpoq.

ATAATSIMUT ANGUNIAKKAT

Peqatigiilluni suleqatigiit kvartalikkaartumik killiffik pillugu ataatsimiittarput, tassani suleqatigiinneq peqqinnissamullu iliuuserineqartut oqaluuserineqartarlutik iliuuserisattalu qanoq sunnuteqarnerat qimerloorlugu. Illuatungeriit tamarmik immikkut peqqinnissamut iliuusaasa sunniutaannik uuttortaanissaq isumaqatigiissutigivaat. Pisisartut nioqqutissanik peqqinnartunik pisiniarnerannik uuttortaanikkut taamaaliorpugut. Paarnanik naatitanillu qerisunik tunisat amerlassusaat kisitsisillu niuertarfinnit tamanit Paarisamut 2022-mi kvartalikkaartumik nalunaarutigineqartarput, taakkulu katersoriarlugit ataatsimiinnerni saqqummiunneqartarlutik.

Ataatsimoortumik anguniagaqarneq pillugu nukittuumik atasinnaasumillu peqatigiilluni suleqatigiinnissaq suleqatigiinnit ukiumi siullermi pingaartinneqarsimavoq. Sapinngisamik akimmiffeqanngitsumik ingerlasoqarsinnaanissaa qulakkeerniarlugu annikitsumik ukkataqarnissaq suleqatigiinnit aallartissutigineqarpoq. Niuertarfiit ulluinnarni unammilleqatigiipput. Illuatungeriit tamarmik akornanni taamaammat attaveqatigiilersitsinermut tatigeqatigiilersitsinermullu piffissamik atuisoqarsimavoq. Unammilleqatigiinnermi atugassarititaasut malittarisassallu saneqqunnagit ataatsimoortumik anguniagaqarnissap illuatungeriinnut tamanut toqqissisimanartuunissaata qulakkeernissaa pingaaruteqarsimavoq.





*Suleqatigiinnermi ataatsimut
ilisarnaateqarnissaq isikkoqarnissarlu
sulissutigisimavarput, pisisartutta
pisiniarfitsinni niuerniaraangamik
ilisarsillutillu malinnissinnaaniassammata.
Ilisarnaat "Kattulluta inuuneritta
– Sammen om det gode liv" Kalaallit
Nunaanni innuttaasut peqqissusaat
pitsanngorsarniarlugu niuertarfiit
ataatsimoornitsinnik pingaarutilimmik
oqariartuuteqarpoq.*

– Brugseni

ATAATSIMUT ILISARNAAT

Peqatigiilluni suleqatigiinneq ataatsimoortumik ilisarnaateqalerpoq niuerniarnermi koorimik nioqqutissanik peqqinnartunik imalimmik assiliartaqartumik allaqqallunilu: Kattulluta inuuneritta – Sammen om det gode liv.

Ilisarnaatip niuerniarnermi peqqinnartumik toqqaanissaq ajornannginnerulersissavaa neqeroorutunut quppersakkani pisiniarfinilu nioqqutissanut peqqinnartunut aqqutissi-uussinikkut. Innuttaasunut oqariartuutaavoq: Ilisarnaat niuerniartillutit maliguk.



PEQATIGIILLUNI SULEQATIGIINNERMIK SAQQUMMIUSSINEQ


Peqatigiilluni suleqatigiinneq ulloq 2. aprili 2022 filmi naatsoq atorlugu saqqummiunneqarpoq.

Filmip oqariartuutigaa illuatungeriit sisamat ataatsimoorlutik nunatsinniittut. Illuatungeriit taamaalillutik peqqinnartumik inooriaaseqarluni pitsaasumik inuuneqarnissamik siuarsaasumik suliniutinik aalajangersimasunik, isumassarsiorfissanik siunnersuutinillu innuttaasunut tamanut angussisinnaalerput. Filmimi isiginnaartartunut niuerniarnermi ilisarnaatip malinneqartarnissaa aamma innersuussutigineqarpoq.

Filmi ukunani takutinneqarpoq:

- ⦿ KNR TV aprilimi maajimilu
- ⦿ Taseralik Bio aamma Katuaq Bio aprilimi maajimilu
- ⦿ Nuummi, Ilulissani Kangerlussuarmilu mittarfinni skærmini aprili-septembari
- ⦿ Internetsikkut inuit attaveqaataat aqqutigalugit inuit 30.000-init amerlanerusut anguneqarput 13.000-illu sinnerlugit takutinneqarluni

Suleqatigiinnerup atulersinneqarneranut atatillugu ilisarnaatip neqeroorutitut qupper-sakkani pisiniarfinnilu atorineqarnerat annertusineqarpoq. Saqqumilaarneq, pissarsiarineqarsinnaaneq akillu tunngavigalugit paarnat naatitallu qerisut tunisaanerisa siuarsarnissaannut sakkutut atorineqarput.



*Ajornartorsiutit pisariusut soorlu
innuttaasut peqqissusaannik siuarsaniarneq,
suliaqartumit ataatsimit taamaallaat
aaqqinneqarsinnaannginnera, suliassaqarfilli
akornanni siammasissumik suleqatigiittoqartariaqarnera,
suleqatigiinnermi aallaaviuvoq.*

*Nukiit, ilisimasat iliuuseqarnissamullu periarfissat
akuleriisinnerisigut angusaqarnerusinnaavugut. Pingaartumik
ataatsimoorluta tamakkiisumik oqaluuserisassat malillugit
suliaqartilluta.*

*Brugsenimik, Pisiffimmik Pilersuisumillu suleqateqarnitsigut
nuna tamakkerparput inuillu pisiniarnermi peqqinnartumik
aalajangiiffigisassaanni attaveqarfigalugit.*

*Peqqinnartumik aalajangiinerup ajornanngitsuunissaa
toqqagassaqqissuunissaalu, tassuunakkullu
inuunerissaarnermik siuarsaneq
ataatsimoorutissavarput.*

*Tina Evaldsen,
Paarisami immikkoortumi pisortaq*

SULINIUTIT

Suleqatigiinnermi ataatsimoorluni suliaqarnerit saniatigut illuatungeriit tamarmik immikkut suliniuteqarsimapput.

KNI/PILERSUIISOQ

KNI-mi ukiuni kingullerni nutaamik peqqinneq pillugu periusissiorpugut Oqimaaqatigiissummik inuunermik taallugu.

Pisartugut illoqarfinni mikinerusuni nunaqarfinnilu pingaarnertut najugaqarput - tamannalu peqqinneq pillugu suliaqarnitsinni soorunami aallaaviuvoq. Peqqinneq pillugu suliaqarnerput iluaqutaassappat suliniutit peqqinnerusumik ullinnaqalernisamat pivirusorsortutut isumassarsinartutullu pisartunit isigineqartariaqarput - aamma peqqinneq pillugu suliniutigut kalaallit kulturiannut naleqartitaannullu naapertuuttutut isiginnissinnaassapput.

Kalorianik kisitsinermut tungavallaarnani inuunermi peqqinnartumik oqimaaqatigiissitsinerup nassaarinissaanut tunnganerutipparput. Tamatta assigiinngilagut inuunermilu oqimaaqatigiissitsinissamik qanoq nassaarnissamat kinaanerit, qassinik ukioqarnerit, sumi najugaqarnerit suullu nuannaartittarneraatit aalajangiisuupput.

Inuuneq pitsaasumik oqimaaqatigiissaaruk

Amerlanersatta nalunngilaat nerisat timillu aalatinnissaa peqqissumik inuunerp ilagilluinnarat. Aammali inuuneq asanninnermik, qanilaassutisimik ikinguteqarnermillu immersussallugu pingaarteqarlunnarpoq. Pitsaasunimmi attaveqarmita peqqinnerusumik inuuneqamissamat nukissaqamerulersittarpoatigut qimanagerullutalu. Peqqissuseq aamma tassaavoq nerisat, timigissarneq, qimaneq ataatsimoorussallu oqimaaqatigiissinneri. Tamakku Pilersuisumi ukkalererusuppavut. Taamaattumik nerippugut illit oqimaaqatigiiffiit naniumaarit - pisinarfimi pisinaruit imaluunniit mamarisavut.gl ammarukku.

Ataatsimoorussaqarneq

Asanninneq, qanilaassuseq ikinguteqarneri nuannaalersitsillutillu inuummarissinartarput.

Timigissarneq

Timip aalatinnerata nerisat timimi uuneri sukkanerulersittarpat timilu nukeqarnerulersillugu.

Kaagi

Ilorrisimaarneq tungusunitsutulaamissarlu aamma ilaannikkut.



Naatitat

Vitamiinik, mineralinik, antioxidantinik fiberillu pingaarutillinnik akoqarput ilinnik qaarsillartitsissusannik

Naatitat paarnallu

Pingortitap tungusunitsuinik imaqarput, kaloriakillutik vitaminerpassaqaqarlutillu akuussutissalersuegataasunik

Kalaalimernit

"Nerisassaavitsinnit" piniarneq nungusaataangilaq, aammalu aalsakkanit umasunillu imarmiunt orsut peqqinnartut pissavatit

Karrit seqummarluttut

Sivisunerusumik qaarsilaartissavaatsit. Aappit sukkuil allangutsaallugit tungusunitsugunerlu millisillugu



Periusissiaq suliniutinik aalajangersimasunik sisamanik malitseqartipparput:

- ⦿ Pisiniarfinni, Facebookimi KNR-imilu pisisartunik ilisarititsinernik peqqinnerlu pillugu oqariartuutinik pisisartugut takusassippagut. Pisisartutta oqimaaqatigiissitsinermut takussutissiaq pisiniarfinni nivinngaassorneqarsimasoq takusinnaavaat, taannalu nerisaqarnermut pyramidep kalaallisuunngortinnera - ilaattut inoqatinik peqateqarneq ilanngussimallutigu.
- ⦿ Nioqqutissat pitsaasut saqqummilaarnerulersinniarlugit inuussutissat peqqinnarnerusumik allangorarnerusumillu nerisaqarnissamut immikkut pitsaassuseqartut/pingaaruteqartut ilisarnaasorsorpagut.
- ⦿ Neqeroorutinut digitalimik aviisitigut Facebook-imilu quppernitsinni Mamarisavutmit ulluinnarni iganermut Pilersuisuni tamani tunngaviusumik nioqqutissat pisiar-neqarsinnaasut pingaarnertut tunngavigalugit ilitsersuutit nutaat ikkutikulavagut.
- ⦿ Mamarisavut.gl-imi Pipaluup nerissanut klubbia meeqqanut angajoqqaanullu sammisoq ilanngupparput. Meeqqat igaffimmi misigisaqarluarnissaat kiisalu nioqqutissiassat nerisassiornerlu pillugit tunngaviusunik ilikkarnissaanut tunngassuteqarpoq.

BRUGSENI

Suleqatigiinnermi ukiumi siullermi Brugsenimi tunisassiat immikkoortullu suleqatigiinnermut tunngassuteqartut tunineqarnerat pillugit paasisutissat katersorneqarsinnaarnerat misissorlugulu qulakkeerparput. Ilaatigut naatitat paarnallu qerisut tuniniarneqarnerat pillugu nittarsaassinnermut nutaamik taamaammat periusissiorpugut ataatsimoorluta anguniagatsinnut iluaqutaasumik ilanngussaqaqumalluta. Suleqatigiinnerup isikkuata pisiniarfitsinni ilanngunneqarnissaat aamma sulissutigaaqarput pisisartutsinnit ilisarnaat ukiup tullianit ajornannginnerusumik malinnaavigineqarsinnaalersikkumallugu.

Naatitat paarnallu qerisut nittarsaanneqarnerat 2022-mi annertusingaatsiarparput. Nittarsaassinitsinni neqeroorutit salliunneqarnissaat ukiup ingerlanerani pingaarnerutissimavarput, tunisassiat malugineqarnerusinnaalersinniarlugit nioqqutissat taamaallutik pitsaanerusumik inissinneqarlutik akigissaanerutinneqarlutillu. Suleqatigiinneq nittarsaanniarlugu periarfissaqarnerit tamaasa ilisarnaat "Kattulluta inuuneritta – Sammen om det gode liv" atortarparput.

Ersarinnerusumik nittarsaassinitta saniatigut ataatsimut videomik paasititsiniaaneq atorlugu peqatigiilluni suleqatigiinnerup ilisimaneqarnerulernissaanut digitali aqqutigut siammarterivugut. Paasititsiniaaneq pisiniarfitsinni tamani ingerlavoq videolu internetisikkut inuit attaveqaataasigut nittartakkallu sinneri aqqutigalugit nittarsaallutigu.





PISIFFIK

Pisiffimmi Kalaallit Nunaanni niuertarfiit arlariiaasut annersaanni innuttaasunut, najukani inuiaqatigiinnut avatangiisinullu pitsaanerpaasorisatsinnut qanoq aqcutissiuisinaanerput ukiup siuliani pingaarnertut ilisimasaqarfiginerulersimavarput. Piviusumik nutarsaneq allanguinerlu pilersikkumallugit nerisassat, avatangiisit inuillu pillugit sammisat salliuinnissaat toqqarsimavarput. Pisisartugut niuerniaraangamik nerisassanik peqqinnartunik ajornannginnerusumik toqqaasinnaalernissaannik soqutiginninnerulernissaannillu kissaateqarnitsinnut suleqatigiinneq pingaaruteqarsimavoq. Iluaqu- taasimaneralu takusinnaalereerparput.

Ilaatigut iluatsipparput suliniut "Sapaat akoqanngitsoq" iluatsilluarpoq, tassani pisisartut Grøn Balancemit nioqqutissani tamani 25 %-imik sipaarsinnaallutik, tamatumani ilaallutik paarnat naatitallu qerisut kiisalu tunisassiat laktoseqanngitsut, gluteneqanngitsut, sukkoqanngitsut aalakoornartortaqaanngitsullu. Paasititsiniaanerup saniatigut peqqinneq peqqinnartumillu toqqagassat allat sammisimavagut nioqqutissaatigut soorlu imeruusaatit aalakoornartortaqaanngitsut isiginiarnerisigut, taakkulu Pisiffiup pisiarfiutaani tamani pisiassalernissaat qulakkeersimallutigit.

Tamatuma saniatigut aningaasanik tapersiisarnerput pillugu politikkerput nutarsarparput, tassani suliniutinut sulissanullu aningaasaliisarluta "Nerisassat, Avatangiisit & Inuit" pillugit piujuartitsinissamut periusissiatsinnut naapertuuttunik Kalaallit Nunaanni piujuartitsisumik isumaginninnikkut, aningaasaqarnikkut avatangiisinullu ineriartornermut inerisaaqataasinnaasunut.

Pisiffimmi nittarsaassinnermi suliniutigut aqcutigalugit peqqittumik inooriaaseqarnermik siuarsaaniarluta sulivugut. Suleqatigiissitanik arlalinnik aamma pilersitsivugut piujuartitsinissaq pillugu periusissiatsinni iliuusissanut taaneqarsimasunut tunngatilugut siumut ingerlanissaannik anguniakkanillu piviusunngortitsinissanik qulakkeerisus- sanik. Periusissiami suliniutit ilaatigut imeruusaatinik aalakoornartortaqaanngitsunik tunisinerup annertusinissaannik kiisalu pisisartut peqqinnartunik toqqaanissaasa ajornannginnerulersinnissaannik imaqarput.

PAARISA

Paarisa peqatigiilluni suleqatigiinnermi ataqatigiissaarisuuvoq. Tassunga atatillugu suliassani pingaarnerit ilagaat ataatsimiinnerit piareersarnissaat suleqatigiinnermilu oqaloqatigiilluarnerup siumullu ingerlanerup qulakkeernissai.

Suleqatigiinnermi periarfissaqarneq aallaavigalugu suliarnissaq qulakkeerniartuarparput. Aallartikkusutagut illuatungeriillu akornanni suleqatigiinnermi pilersissinnaasagut ukkataraagut.

Tamatuma saniatigut Paarisa ataatsimiinnissanut aggersaasarpog, imaqarniliorluni kisitsisinik piniarluni kiisalu iliuuserineqartut inerneriluatigut ukiumoortumik nalunaarusiami matumani atuarneqarsinnaasut uppernarsaatit sinnerinik piniarluni.

Ukiup siuliani peqatigiilluni suleqatigiinnerup atulersinneqarnera pilersaarusiorparput, tamatumunnga tusagassiorfiit atulersitsinermilu video ilanngullugit. Atuisartut niuerniinnermi ileqqi suleqatigiinnerlu pillugu ilisimasaat pillugit atuisunik misissuinnermik suliaqarneq misissueqqissaarnerlu Paarisamit aamma akisussaaffigineqarsimavoq.

Suleqatigiinnermi anguniakkanut oqariartuutinullu ikorfartuisussanik paasissutissiinnernik assigiinngitsunik Paarisami aamma suliaqarpugut. Ilanngullugit vlogs-it peqqinneq pillugu oqariartuuteqartut 2023-mi saqqummersinneqartussat, Paarisap Facebookimi quppernerani innuttaasunut paasissutissiineq kiisalu Kattulluta inuunerittap Instagramimi qupperneranik pilersitsinikkut.

Unicef Kalaallit Nunaat suleqatigalugu najoqqutassiaq IGASA Paarisamit ineriartortinneqarpoq, meeqqat nerisassat ataatsimoornerlu pillugit workshopertitsinernik imaqartumik. Kattulluta inuuneritta pillugu peqatigiilluni suleqatigiinnerup ataani iliuuseqarnerit najoqqutassiaq 2023-mi siammarterneqassaaq. IGASA pillugu Royal Greenland suleqataavoq.





INNERNERIT

PAARNANIK NAATITANILLU QERISUNIK 2022-MI TUNISINEQ

SULEQATIGIINNERMI PAARNAT NAATITALLU QERISUT TUNISAANERISA SIUARSARNISSAAT 2022-MI ANGUNIARNEQARPOQ.

PAARNANIK NAATITANILLU QERISUNIK TUNINIAANEQ UKIUP SIULIANUT SANILLIULLUGU 2022-MI

5%-imik
QAFFARIARSIMAVOQ.

ATAATSIMOORLUTA ANGUSAQARNERUSINNAAVUGUT

Suleqatigiinnermi ataatsimut anguniagaqarluni suleqatigiikkaangatta angusaqarluarsinnaanitsinnik takutitsisunik inernerusut tulluusimaarutigeqaagut.

Ersarissumik anguneqarsinnaasumillu anguniagarluta sulinitinni ilorraap tungaanut allannguinermik pilersitsivugut. Piginnaasat, nukiit ilisimasallu akuleriisinnerisigut iluatsippugut. Immikkoorluta angusinnaasatsinnit annertunerusumik ataatsimoorluta angusaqarpugut.

Paarnanik naatitanillu qerisunik tunisaqarnerunerinnatsigut innuttaasut peqqissuunerannik ajornartorsiutit qaangernaviangilagut, kisianni nioqqutissanik peqqinnartunik tunisaqarnerulernissamik suleqatigiinnermi tamakkiisumik anguniagaqarnitsinnut alloriarneruvoq. Alloriarnermi siullermi tunaakkatta eqqortuuneranik inernerit takutippaat. Sulinerup ingerlateqqinnissaanut tamanna kajumissaataavoq pingaarutilik.

2022-MI UKIUMI SISAMARAR-TERUTAA AAPPAANNI KISITSISIT: 110

AALLAAVIK 2021: 100


2022-MI UKIUMI SISAMARAR-TERUTAA SIULLERMI KISITSISIT: 102

Pisiffik, Brugseni Pilersuisorlu ukiumi sisamararterutaa tamaasa qaammatit pingasukkuutaarlugit kisitsisit tunisallu amerlassusaat Paarisamut nalunaarutigisarpaat. Taakku tunngavigalugit illuatungeriinni tamani kisitsisit katinnerat Paarisamit naatsorsorneqartarput.


Kisitsisit paarnanik naatitanillu qerisunik 2021-mut sanilliullugu 2022-mi tunisaqarnerup qaffariarnera procentingorlugit takutippaat.

ALLANNGUINERMIK IMAK PILERSITSISSAAGUT

- ⦿ Suliaqartut arlaannaalluunniit kisimiilluni ajornartorsiummik aaqqiisinnaangilaq - ataatsimoorluta kivitsissaagut
- ⦿ Ataatsimoorluni takorluukkamut illuatungeriit akornanni suleqatigiittoqartariaqarpoq
- ⦿ Ataatsimoorntsigtut iluatsissaagut



Assiigiinngitsunik anguniagallit
immikkut sammivillit



Ataatsimik siunnerfeqarluni
ataatsimoorussamik takorluugaqarneq

2022-MI UKIUMI
SISAMARARATERUTAA
SISAMAANNI
KISITSISIT: 101

2022-MI UKIUMI
SISAMARAR-
TERUTAA
PINGAJUANNI
KISITSISIT: 108

2022-MI
KISITSISIT
KATILLUGIT:
105

TOP 15-IT - NIOQQUTISSAT TUNISAANERPAAT

PEQATIGIILLUNI SULEQATIGIINNEQ 2020-2030-MI

TAMAKKIISUMIK ANGUNIAKKAT:

NIOQQUTISSANI TOQQAGASSANI INUUSSUTISSAT PEQQINNARTUT
NIOQQUTIGINEQARTUT AMERLANERPAANNGORNISSAAT.

Tamakkiisumik anguniakkanut ineriartorneq malinnaaviginiarlugu nioqqutissat suut tunisaanerpaanersut Paarisap uuttortartarniarpai. Nioqqutissaqatigiiat 2022-mi Top 15 katinnerat nalunaarsuiffimmi ataaniittumi takuneqarsinnaavoq.

Top 15-imiittut nioqqutissat peqqinnartuupput peqqinnannginnerusuullutillu. Sodavandit immiaaqqallu tunisaanerpaasut takuneqarsinnaavoq. Top 15-it allattorsimaffianni nioqqutissat peqqinnartut soorlu paarnat, naatitat aalisakkallu ilaanerat nuannaarutissaavoq.

Nioqqutissanilli tunisaanerpaanik naatsorsuinermermi siullermi takuneqarsinnaavoq suli suliassarpassuaqartoq peqatigiilluni suleqatigiinnermermi tamakkiisumik anguniagassat angunissaasa tungaannut.

Normu	Nioqqutissaq
1	Sodavandi
2	Immiaaraq
3	Paarnat
4	Sodavandi sukkoqanngitsoq
5	Immummik tunisassiat
6	Tupa
7	Naatitat
8	Nerisassat kissariaannaat
9	Neqaarniamit nioqqutit
10	Inoqutigiinni atugassiat
11	Iffiat/rundstykket
12	Imeruersaatit uummarissaatitallit
13	Kaffe/the
14	Aalisakkat qaleruallillu
15	Imeq



Brugseni, Pisiffik Pilersuisorlu tamar-
mik immikkoorlutik nioqqutissani 2022-
mi Top 30-nik nalunaaruteqarsimapput.
Nioqqutissat taakku nioqqutissaqatigii-
aanut kingorna immikkoortiterneqarsi-
mapput. Katillugit Top 15-it ataatsi-
moorluni pointilersueriaaseq tunnga-
vigalugu naatsorsorneqarsimapput,
nioqqutissaq Top 30-ni tunineqarner-
paasimasoq 30 pointinnalluni tullia 29
pointi il.il. Naggataatigut nioqqutissa-
qatigiiiani tamani pointit katinnerat
naatsorsorneqarsimapput.



NERISSAT PEQQINNARTUT

Nerissat peqqinnartut tunineqarnerulernissaat peqatigiilluni suleqatigiinnermi tamakkiisumik anguniarneqarpoq.

Peqatigiilluni suleqatigiinnermi nerissat peqqinnartutut isigineqartut tassaapput Nerisaqarnermut innersuussutini qulini naapertuuttutut taaneqartut. Uku ilanngullugit:



Nioqqutissat matuersaaserfimmik ilisarnaatillit

- ⊙ Nioqqutissanik matuersaaserfimmik ilisarnaasikkanik tuniniaaneq (orsukinnerusut orsorlu peqqinnarnerusoq, sukkukinnerusut, nerisani fiberit iffiugassanilu aserorterneqanngitsut amerlanerusut)

Kalaallit nerisassaataanik nerisarit, akulikitsumik aalisakkanik aalisakkanillu qallersuusianik

- ⊙ Aalisakkanik aalisakkanillu qallersuusianik tunisineq
- ⊙ Kalaallit nerisassaataanik tunisineq

Ullut tamaasa naatitartorit paarnatorlutillu

- ⊙ Paarnanik naatitanillu nutaanik tunisineq
- ⊙ Paarnanik naatitanillu qerisunik tunisineq

Ullaakkorsiornermi ullup qeqqasiornermilu iffiartorlutillu iffiugassanik aserorterneqanngitsutorit

- ⊙ Iffiugassanik aserorterneqanngitsut tunisassianik tunisineq (iffiat, suaasat, qaqorteqqasut, pastat, ullaakkorsiuutit ilanngullugit)

Eqqarsarluarlutit orsulittorit

- ⊙ Neqimik immummillu tunisassianik orsukitsunik tunisineq
- ⊙ Inerititanik puulinnik tunisineq

Sukkunik, mamakujunnik, chipsinik kaaginillu nerisaqannginnerugit

- ⊙ Sukkunuk, mamakujunnik, chipsinik kaaginillu tunisakinneruneg

Imertorit - saftimik sodavandinillu imernikinnerugit

- ⊙ Saftimik sodavandinillu tunisakinneruneg
- ⊙ Imeruersaatinik uummarissaatalinnik tunisakinneruneg

Aanngajaarniutit


- ⊙ Immiaaqqanik, viinninik, aalakoornartut kimittuunik, tupamik snusinillu tunisakinneruneg

ATUISUNIK MISISSUINEQ


Internetsikkut inuit attaveqaataat atorlugit atuisunik illuatungeriit misissuine-
rat juunimi 2022-mi siammartinneqarpoq. Tassunga atatillugu koorit tunissutit
pingasut nioqqutinik peqqinnartunik 1.000 kr.-nik nalilinnik imallit eqqugassa-
ritinneqarput. Misissuineq qaammatingajak ingerlanneqarpoq ajugaasullu
pingasut juulip naanerani makinneqarlutik.

Atuisunik misissuineq nuna tamakkerlugu 844-nit akissuteqarfigineqarsimavoq.


PEQATAASUT



QASSINIK UKIOQARPIT?



SULIFFEQARNIKKUT INISSISIMAFFIIT?



PEQATIGIILLUNI SULEQATIGIINNEQ ILISARNAALLU PILLUGIT ILISIMASAQARNEQ

Atuisunik misissuinerup takutippaa aperineqartuni 38%-it peqatigiilluni suleqatigiinnermut ilisarnaat takusimallugu qanorlu isumaqarnera ilisimallugu akisimasut.

Ilisarnaat qanoq isumaqartippiuk?

- ⊙ "Peqqinnartumik niuerniarnermut"
- ⊙ "Isumatusaartumik niuerniarneq pisiassallu suuneranik eqqarsarneq"
- ⊙ "Ilisarnaat nerisassanik peqqinnartunik toqqaanermut tunngassuteqartippara"
- ⊙ "Inuunerissaarnerup eqqumaffiginerunissaa ukkatarinerullugulu. Ataatsimoorneq"
- ⊙ "Nunatsinni pisiniarfiit akornanni ataqatigiinneq"
- ⊙ "Kalaallit Nunaanni ataqatigiinneq"
- ⊙ "Oqaatsit marluunerat nuannaraara. (...) Kattulluta/Sammen - kulturit marluk tamarmik inissaqartinneqarput. Aamma eqqarsalersippaanga 'Najukkami pisigit'"

30%-it akipput ilisarnaatip pisiniarfimmi pisiniarnerannut sunniuteqarsimasut peqqinnartunik, naatitanik niuerniarnermilu ileqqut eqqarsaatiginissaannut piumassuseqalersitsisumik.

Pisiniarfimmi pisiniarninnut qanoq sunniiva?

- ⊙ "Peqqinnarnerusunik pitsaanerusunillu piserusulersippaanga"
- ⊙ "Niuerniarnermi ileqqukka eqqarsaatigeqqippakka"
- ⊙ "Naatitanik pisinissannut sunnerpaanga"

PERUSUNNERUSAT NIUERNIARNERMILU ILEQQUT

Atuisartut oqaatigaat niuerniaraangamik pingaartumik akikitsut, pitsaassuseq, nioqqutissat meeqqanut/ilaqutariinut tulluartut, peqqinnartut mamarisallu pingaartittarlugit.

Atuisut oqaatigaat paarnanik naatitanillu qerisunik nerisaqarnerulernissamut 'akit', 'toqqagassat amerlanerusut', 'pissarsiarineqarsinnaanerat' aamma 'iganissamut ilitersuutit isumassarsiorfissat' pingaarutilimmik aalajangiisuusut.





2023-MUT ANGUNIAGASSAT

2023-mi peqatigiilluni suleqatigiinnerup nioqqutissat kaaviiartinneqartut annertunerpaartaasa inuussutissanik peqqinnartunik tunisinermeernissaa sulissutigeqqissavarput. Illuatungeriinni aamma 2023-mi anguniagassat aalajangersimasut isumaqatigiissutigineqarput: :

Paarnanik naatitanillu tunisinerup annertusarneqarnissaanik
2022-mi anguniakkap nangeqqinneqarnissaa

Paarnanik naatitanillu nutaanik tunisinerup annertusinissaa

Nioqqutissanik matuersaaserfimmik
ilisarnaatissanik tunisinerup annertusinissaa

Top 15-t allattorsimaffianni nioqqutissat
peqqinnartut amerlinissaat

Peqatigiilluni suleqatigiinneq suleqatigiinnerullu ilisarnaataa
Ilisarnaat pillugu qanorlu isumaqarneranik ilisimannittut 75%

Ilisimasagut nukiillu
pigisagut qaqugorsuarmut
iluaquteqarsinnaanissarput
pingaaruteqarpoq. Tamatta ataatsimik
anguniagaqarluta sulivugut isumaqarpugullu
innuttaasut peqqissusaat pillugu anguniagassat
pingaaruteqartut aallaavigalugit
ataatsimoornerput nukittunerulersitsisoq
ulluinnarni unammilleqatigiitigaluta.

Peqatigiilluni suleqatigiinneq
Kattulluta inuuneritta
– Sammen om det gode liv

pillugu ilisimasat annertusinissaat
-inngornissaat siunertaavoq.

#kattullutainuuneritta #sammenomdetgodeliv

